

**Pamamaraan Upang Makatanggap ng
Tulong-Pantustos Para sa Pag-aaral sa Senior High School**

フィリピン語

Ang Tulong-Pantustos para sa pag-aaral sa senior high school (Tatawaging “Tulong-Pantustos Para sa Pag-aaral” mula rito.) ay sistema na ang pambansang pamahalaan ang magbabayad sa halip ng mag-aaral ng kaukulang matrikula ng mga mag-aaral na sumasailalim sa sumusunod na kalagayan. Hindi ito kailangang isauli, hindi tulad ng scholarship na utangin. Ang bagong pasok na mag-aaral na nasa unang taon ay kailangang mag-apply nang dalawang beses, sa Abril at Hulyo (Ang pag-aapply sa Hulyo ay kailangan sa bawat taon).

Ang Kalagayan Upang Makatanggap ng Tulong-Pantustos

- Dapat hindi umabot sa 304,200 yen ang kalkuladong base amount na nakalkula mula sa halaga ng “base tax amount ng municipal tax × 6% – halaga ng adjusted deduction ng municipal tax (para sa nagbabayad ng municipal tax sa government ordinance-designated na siyudad, halaga ng adjusted deduction ng municipal tax x 3/4)” ng magulang o tagapag-alaga.
Mga 9,100,000 yen ang huwarang taunang kita ngunit magbabago ayon sa kalagayan tulad ng pagsustento.
Sa Abril, susuriin ang halaga para sa nakaraang fiscal year at sa Hulyo naman, ang halaga para sa fiscal year na ito.
Kung ang dalawang magulang (ama at ina) ay may kita, ang huwaran ay pinagsamang halaga ng kanilang kita.
- Dapat hindi lumampas sa 36 buwan ang total na panahon ng pagpapatala sa senior high school
Sa senior high school na panggabing sistema at correspondence system, dapat hindi lumampas sa 48 buwan. Walang pagsasaalang-alang sa pambansa, pampubliko o probadong paaralan.
- Dapat i-submit ang application form, kopya ng “マイナンバーカード, My Number Card” atbp. sa loob ng itinakdang panahon

Kung hindi nag-submit ng application form sa loob ng itinakdang panahon, o kung hindi naayon sa kalagayan upang makatanggap ng tulong-pantustos, kinakailangang magbayad ng kaukulang matrikula. Ang kaukulang matrikula ay 118,800 yen sa isang taon, na hahatiin sa 4 na panahon ng pagbabayad. May pagsusuri para sa pagtanggap ng tulong-pantustos para sa pag-aaral. Ang resulta ng pagsusuri sa pag-aapply sa Abril ay ipapaalam sa unang bahagi ng Hulyo (tinatayang panahon) sa pamamagitan ng paaralan.

まいなんばーカード

Ukol sa mga Kinakailangang Kopya ng “マイナンバーカード, My Number Card” atbp. para sa Pag-aapply

(1) Magsumite ng kopya ng isa sa mga sumusunod na kasulatan na naglalaman ng inyong My Number.

- Likod ng My Number Card
- Residency certificate na mayroong nakasulat na My Number (ipinagkaloob nang hindi pa lumilipas ang tatlong buwan)

*Kung magsusumite ng kasulatang nagpapatunay ng My Number (ng lahat ng mga magulang o tagapag-alaga), at walang pagbabago sa mga magulang o tagapag-alaga, hindi na kailangang magsumite ng “マイナンバーカード, My Number Card” o iba pang mga kaugnay na dokumento habang pumapasok sa paaralan.

(2) Maaaring magsumite ng isa sa mga sumusunod na kasulatang nagpapatunay ng inyong kita sa halip na kopya ng My Number Card.

- Para sa miyembro ng sambahayang tumatanggap ng suporta sa pamumuhay, i-submit ang “生活保護受給証明書,

せいかつほ ごじゅきゆうしょうめいしょ

Sertipiko na Tumatanggap ng Suporta sa Pamumuhay.”

- Kailangan ang orihinal na dokumentong ipinagkaloob sa loob ng 3 buwan para sa “せいかつ ほ ごじゆきゆうしやうめいしょ生活保護受給証明書, Sertipiko na Tumatanggap ng Suporta sa Pamumuhay.” Walang bisa ang kopya. Hindi isasauli ang isinubmit na orihinal na dokumento.

*Kung nag-apply gamit ang mga kasulatang nagpapatunay ng kita na binanggit sa (2) sa itaas, sa susunod na aplikasyon ay kailangan nang magsumite ng kasulatang makapagkukumpirma ng My Number (ng lahat ng mga magulang o tagapag-alaga) o kasulatang nagpapatunay ng kita.

Pamamaraan Upang Makatanggap ng Perang Benepisyo Para sa Tulong sa Pag-aaral

Ang Perang Benepisyo Para sa Tulong sa Pag-aaral (Tatawaging “Benepisyo sa Pag-aaral” mula rito.) ay ibibigay sa sambahayang 0 yen (hindi pinatawan ng buwis) ang total na halaga ng “どうふけんみんぜいしよとくわりがく道府県民税所得割額, Prefectural residence tax per-income basis” at “しちようそんみんぜいしよとくわりがく市町村民税所得割額, Municipal residence tax per-income basis” ng lahat ng mga magulang (ama at ina)/tagapag-alaga (tatawaging “sambahayang hindi pinatawan ng buwis mula rito), at sa mga sambahayan na tumatanggap ng suporta sa pamumuhay (*seikatsu hogo*) upang bayaran ang mga gastusin na may kinalaman sa pag-aaral maliban sa matrikula. Hindi ito kailangang isauli. Ang pamamaraan ng pag-apply ay isasagawa sa Hulyo, nang isang beses sa isang taon, sa prepektura kung saan ang tagapag-alaga ng mag-aaral ay naninirahan.

Ang bayarin (taunang bayad) ay 32,300 yen para sa sambahayan na tumatanggap ng suporta sa pamumuhay (*seikatsu hogo*) at 84,000 yen para sa sambahayang hindi pinatawan ng buwis.

Subalit sa sambahayang hindi pinatawan ng buwis, kung ang mag-aaral ay hindi pinakamatanda sa lahat ng mga anak na umaasa sa puno ng sambahayan (head of the family) na nasa senior high school, o kung ang mag-aaral sa sambahayang hindi pinatawan ng buwis ay may kapatid na mas matanda sa 15 taong gulang at hindi lalampas sa 22 taong gulang at hindi nag-aaral sa junior high school, ang bayarin (taunang bayad) ay 129,700 yen. Kung nababagay ang sambahayan sa kalagayang ito, kailangan din ang papeles na pagpapatunay ng kalagayan pagsusustento ng miyembro ng pamilya.

Ang “Tulong-Pantustos Para sa Pag-aaral” at “Perang Benepisyo Para sa Tulong sa Pag-aaral” ay magkaibang sistema kaya kailangan ang papeles na nagpapatunay na hindi kailangang magbayad ng buwis ang lahat ng mga magulang/tagapag-alaga. Kailangan din ang xerox copy ng passbook upang tiyakin ang bank account kung saan ipapadala ang perang benepisyo para sa tulong pampasigla ng pag-aaral sa paaralan.

Ngayong fiscal year 2020, magbibigay din ng karagdagang 10,000 yen na suporta sa mga sambahayang hindi pinatawan ng buwis bilang panggastos sa komunikasyon para tugunan ang COVID-19. Dahil kailangang sumang-ayon na ang panggastos sa komunikasyon ay gagamitin para sa online class sa bahay, kailangan ang kasunduan na ipamimigay sa paaralan. Gayunpaman, hindi kasama sa karagdagang suporta ang mga sambahayang walang gastos sa komunikasyon kahit ito ay sambahayang hindi pinatawan ng buwis at sambahayan na tumatanggap ng suporta sa pamumuhay.

Bukod pa rito, sa fiscal year 2020, dahil sa epekto ng COVID-19, idaragdag ang 2 sumusunod na sistema sa mga kasalukuyang aplikasyon.

- (1) Advanced na suporta para sa mga bagong mag-aaral: Sa sambahayang may bagong mag-aaral at hindi pinatawan ng buwis sa fiscal year 2019, ibibigay ng advanced ang isang bahagi ng tulong sa pag-aaral. Para sa mga nais na mag-apply sa sistemang ito, kailangan ng ibang proseso ng pag-apply bukod pa sa kasalukuyang proseso.
- (2) Suporta para sa sambahayang may biglaang pagbabagong pinansiyal: para sa dati ay hindi pasok sa sambahayang hindi pinatawan ng buwis sa fiscal year 2020 na ngayong fiscal year ay bumaba sa antas at pumasok sa sambahayang hindi pinatawan ng buwis ang kita ng lahat ng mga magulang o tagapag-alaga, magbibigay ng suporta sa pag-aaral. Ang mga sambahayang hindi sakop ng kasalukuyang aplikasyon lamang ang maaaring mag-apply dito. Para sa mga nais mag-apply sa sistemang ito, kailangang mag-sumite ng application form at ng 4 na sumusunod na dokumento.
 1. Dokumentong magpapatunay ng dahilan ng pagbaba ng kita
 2. Certificate of tax amount sa fiscal year 2020 (ng lahat ng magulang at tagapag-alaga) bilang dokumento na magpapatunay sa kita bago ito bumaba
 3. Dokumentong magpapatunay ng kita matapos ito bumaba (ng lahat ng magulang at tagapag-alaga)

4. Kopya ng health insurance ID ng lahat ng miyembro ng sambahayan o kaya ay certificate of tax amount kung saan nakasaad ang bilang ng dependents.

Ang mga tatanggap ng sistema na ito ay maaari ring tumanggap ng karagdagang suporta para sa panggastos sa komunikasyon kaya't kailangan din ang kasunduan.

Kung may tanong, mangyaring tawagan ang paaralan ng mag-aaral o Facilities & Financial Division of Osaka Prefectural Board of Education (06-6941-0351).